

Headline	700,000 akaun pendeposit TH tak aktif		
MediaTitle	Berita Harian		
Date	08 Oct 2019	Color	Black/white
Section	Nasional	Circulation	82,252
Page No	15	Readership	246,756
Language	Malay	ArticleSize	80 cm ²
Journalist	N/A	AdValue	RM 1,354
Frequency	Daily	PR Value	RM 4,062



700,000 akaun pendeposit TH tak aktif

Kuala Lumpur: Lembaga Tabung Haji (TH) mengenal pasti lebih 700,000 akaun pendeposit yang membabitkan simpanan RM60.4 juta tidak melakukan sebarang transaksi melebihi tujuh tahun berturut-turut, sejak 2012 hingga sehingga akhir Ogos lalu.

Justeru, TH menasihati pendeposit untuk mengaktifkan akaun masing-masing dengan melakukan sekurang-kurangnya satu transaksi simpanan atau pengeluaran wang.

Transaksi boleh dilakukan di mana-mana cawangan TH, kaunter uniteller atau dalam talian dengan rakan strategik iaitu Bank Islam, Bank Rakyat, Maybank dan CIMB seluruh negara.

“Pendeposit juga boleh menyemak status akaun mereka di saluran berkenaan dengan membawa kad pengenalan,” kata TH dalam satu kenyataan semalam.

Kenyataan itu turut memaklumkan akaun yang tidak diaktifkan selepas 1 November ini, akan dipindahkan ke kumpulan akaun tidak aktif dan tidak akan memperoleh manfaat seperti diterima pendeposit akaun aktif TH.